

國朝典故
二

73
5110
2

共十三



內 7 保 3
號 5/10
卷 13-2

國朝典故卷之二

事大典故

皇朝喪

世宗聞文王崩謂大臣曰太祖遺詔天下臣民喪服三日而
除此為州縣吏民而言君臣終始之義至重大行皇帝之喪
予不忍三日而除且古禮有外廷行易月之制今者羣臣三
日而除予則權著白衣視事至二十七日即吉柳廷顯等以
為遺詔如此不可踰制 上不從

○嘉靖己亥興聖蔣太后崩逝即世宗皇帝生母葬于湖廣
皇帝隨幸 中廟欲遣欽問使廷議或以為不必遣 上竟
以李清為使遣之其還也降勅褒美且賜龍衣 上出迎于



慕華館百官賀資設別舉取人

○明宗丁卯歲州牧使馳報皇后方氏崩逝依前日太皇太后崩逝謄錄停朝市三日不為舉哀

己酉年^四皇太子薨逝停朝市三日無舉哀節次遣使陳慰無

進香 東閣雜記

○宣廟壬申七月穆宗皇帝訃音至 上變百官斬衰三日而除 石潭遺事

○仁祖丁卯十一月初八日以天啓皇帝昇遐百官舉哀十一日百官成服四品以上衰服五品以下白衣烏帽角帶舉臨三日十四日除服 芝峯日記

○顯宗朝清告皇后哀而令我穿孝舉哀朝廷將從之 時已
仁宣王 禮判姜栢年議曰非古也遂止 怡軒集

詔使

官

本國使 臣回童付詔勅并附。朝野記聞不載內

太祖三年甲戌

洪武十七年

欽差內使黃永奇等齋至告祭海嶽

山川等神祝文

啟事攝要。又入

宣祖朝宗系辨証

備時帝遣朝天宮道士徐師昊祭高麗山川師昊又載碑石而

來問都城南楓川何地乃以陽陵井對

井在開城府南八里

師昊致祭

遂豎碑而去其祭文曰皇帝遣朝天宮道士徐師昊致祭于

高麗首山及諸山之神首水及諸水之神高麗為國奠于海

東山勢磅礴水滄汪洋實皆靈氣所鍾故能使境土安序國

君世享富貴尊慕中國以保生民神功為大朕起自布衣今

混一天下以承正統比者高麗奉表稱臣朕喜其誠已封王

爵考之古典天子於山川之祀無所不通是用遣使敬將牲

幣修其祀事以啓神靈惟神鑑之 高皇帝親製

○五年丙子 洪武二十九年 丙使楊帖木宋孛羅王禮尚寶寺丞

牛：傳奉做親家聖旨以來

記 ○太宗元年辛巳 建文二年 二月禮部主事陸顯 洪武六年 行人司行

人林士英 正八品 來賜大統曆文綺紗羅等物

記 ○四月通政寺丞章謹文淵閣待詔端不禮來賜誥命金印

記 ○六月太僕寺火卿祝孟獻 正五品 禮部主事陸顯來賜勅褒

獎及賜彩幣藥材

孟獻能詩與畫尤長於翎毛 慵齋叢話

○二年 建文四年 壬午行人潘文奎賚勅賜九章冕服 詳冠服典

○成祖即位復稱洪武三十五年遣都御史俞士吉鴻臚寺

火卿汪泰頌登極詔曰高皇帝棄羣臣建文嗣位權歸奸慝

變亂憲章我害骨肉禍幾及朕於是欽承祖訓不得已而起

兵以清蕩莫不期建文為權奸逼脅閭官自焚諸王大臣百

官萬姓以朕高皇帝正嫡合辭勸進朕以宗廟社稷之重已
即皇帝位大赦天下嘉與萬邦同鐸至治

○三年癸未永樂元年太監黃儼都指揮使高得左通政趙居任

等齋詔勅賜誥命金印

○六月內官田畦給事中馬麟賚奉恭上太祖高皇帝孝慈
皇后尊謚來頒

○八月遣太監黃儼賜冠服段疋及元史十八史畧山堂考
索諸臣奏議太學衍義春秋會通真西山讀書記朱子成書
各一部

○十一月內朱允但韓帖木等傳奉聖旨以來令選進乾
淨的俊秀的火者即選羅邁等三十五名送進

○四年甲申永樂二年內官楊進保給事中教惟善來頒冊立皇
太子並封建親王詔

又遣內官劉璟國子監丞王峻用齋勅賜彩幣及藥材古今
烈女傳

○五年乙酉永樂三年內使鄭昇等齋禮部咨以來令選精細中
用的火者來用即選尹鳳等八名送進

○差內使朴麟等賜樂器詳音樂典故

○六年丙戌永樂四年遣太監黃儼求銅佛詳太宗故事

○禮部咨送欽賜帽珠紵絲藥材及通鑑綱目四書衍義等
書

○七年丁亥永樂五年內官鄭昇行人馮謹來頒平定安南詔

○遣太監黃儼迎取天寶山舍利仍降勅賜彩段

○八年戊子永樂六年具宗之回自京師帝特賜孝慈高皇后傳

書五十本帝以本國前後進馬三千匹遣太監黃儼齎賜銀及彩幣

○太祖昇遐帝遣內使都知監左少監祁保禮部郎中林觀等賜祭及謚又降勅賜賻

○遣太監黃儼送女子以進

工曹典書權執中女仁寧府左司尹任添年女恭安府判官李文命女侍衛司中領護軍呂貴真女中軍副司正崔得霏女預選

○禮部咨送欽賜勸善書三百部

○九年己丑永樂七年四月太監黃儼監丞海壽奉御尹鳳來賜銀兩彩幣鞍馬等物

○八月太監黃儼來賜彩幣令夏進好女子及好馬遂選知宜州事鄭允孛女以送

○十年庚寅永樂八年帝以本國進馬匹遣太監田嘉禾少監海壽齎勅賜彩段銀兩馬匹

○十一年辛卯永樂九年移咨禮部請差人將齎藥單赴京收買帝遣太監黃儼賜藥材及賜祭呂氏父貴真

○十四年甲午永樂十二年譯官元閔生赴北京於後殿內欽奉聖旨自皇后崩逝之後令汝國權妃管六宮事汝國呂氏請於高麗內官金得金良借砒霜於銀匠和胡梳茶心與權妃

因致毒死朕已殺內官銀匠又用烙鐵烙呂氏一箇月殺了
說與權永均知道

妃薨後二年權妃之婢罵呂氏婢曰汝主藥殺我妃子帝
聞而訊之果然釋官雜記

○十七年丁酉永樂十年太監黃儼少監海壽來賚勅賜彩幣

○譯官元閔生回帝令進的當女兒選宗簿嗣令黃河信知
淳昌郡事韓永訂女與同欽差黃儼送進

○帝以本國恭享朝廷恪勤不怠又遣奉御善財降勅褒獎
仍賜銀兩彩幣馬匹

○十八年戊戌永樂十一年帝遣內官陸善齋勅許改封世子

遣元閔生
奏請故也

○世宗元年己亥永樂十二年正月太監黃儼光祿寺少卿韓確

鴻臚寺丞劉泉來賜誥命

確以帝旨仍留泉復命

○李之崇回自京師禮部咨送欽賜為善陰隲書六百本

○八月太監黃儼來賚勅諭特賜宴享

○二年庚子永樂十三年禮部員外郎趙亮行人易郎來賜祭及

記
謚於恭清王

○三年辛丑永樂十四年帝以本國進馬一萬匹以資國用遣少

監海壽齋勅賜彩幣時帝將北征勅進土馬

○四年壬寅永樂十五年帝親征達子阿魯台陪臣高奇忠赴遼

東欽錄平定北方詔書以來

○五年癸卯永樂二十一年二月帝遣內官劉璟禮部侍中楊善賜祭及謚於太宗

○八月又遣少監海壽禮部郎中陳敬許封世子又以本國進馬一萬匹賜彩幣銀兩

○七年乙巳仁宗洪熙元年二月帝以本國奉表來賀遣內官尹鳳補實賚勅賜彩幣

○遣尚寶監右少監金滿賜祭權氏兄永均

○仁宗崩宣宗立閏七月內官齊賢行人劉浩齋大行遺詔來

記

○同月帝遣禮部郎中焦循鴻臚寺少卿盧進頌登極詔

○八年丙午宣德元年帝以本國屢遣使奉表獻方物遣內官尹

鳳賚勅諭賜彩幣

○陪臣金時遇回帝特賜五經四書性理大全通鑑綱目

○九年丁未宣德二年帝遣太監昌盛尹鳳賚勅令選取馬五千匹仍賜銀兩彩幣

以帝勅選工曹判書成達生女右軍同知總制車指南女右軍司正吳個女右軍司正安復志女侍衛司右領護軍鄭孝忠女中軍副司正崔瀕女左軍司直盧從得女及選會做茶飯婦女千名隨昌盛等送進

○十年戊申宣德三年四月帝遣鴻臚寺少卿趙泉兵部員外郎李紱領冊立皇太子詔

○七月遣太監昌盛尹鳳賜白素磁器青花盤等物

以帝勅選知淳昌郡事韓永疇女及選會割肉的火者二名隨同昌盛等送進

○十一年己酉宣德四年二月帝遣少監金滿賜祭于崔氏父得霏

○五月遣內官昌盛尹鳳選火者及會做茶飯的婦女學樂的小妮子鷹狗等物仍降勅賜白金彩幣詳下頁獻

○十一月又遣內官金滿齋勅賜白磁器仍諭進鷹犬

○十二年庚戌宣德五年吳陞回自京師帝降勅特賜王世子朝服

○帝遣內官昌盛尹鳳齋勅褒獎賜所御裝條環刀鈔銀幣磁器等物仍索諸品海味及豹犬青黃白鷹

○十三年辛亥宣德六年帝遣內官昌盛尹鳳張童兒張定安齋

勅令進海青黃鷹土豹

○十四年壬子宣德七年帝遣昌盛太監尹鳳監丞張定安齋勅褒嘉及賜彩幣仍令選耕牛一萬隻送遼東和買

尹季童回帝降勅曰前命收買耕牛今得王奏國中所有產不多可隨見有者送來交易

○十五年癸丑宣德八年閏八月帝遣指揮僉使孟捏可來齋勅曰朕已勅諭凡察李滿住等各將所搶去人口馬牛頭匹盡

行給還王亦須以建州等衛所得頭畜等物還之而自今各順天道輯和隣境戒飭下人勿相侵犯庶幾共享太平之福

○十月太監昌盛等來勅賜彩幣仍求海青及理辦膳事女子

○朴安臣回賚勅賜五經四書大全一部 詳科舉典故

記 ○十六年甲寅 宣德九年 指揮僉事孟捏可來勅諭忽刺温野人

揆還本國人口仍勅諭本國亦還未曾還野人人口馬牛

記 ○十七年乙卯宣宗崩英宗立郎中李約質外郎李儀來領登極詔仍賜彩幣

○內官李忠內使金角金復來送回本國婦女金黑等五十
三人蓋先年以會做茶飯隨進進女子等入京者也

○二十年戊午 正統三年 洪汝方回自京師帝降勅賜遠遊冠服

○二十六年甲子 正統九年 柳守剛回降勅賜冕服辛引孫回降

勅嘉獎賜彩幣表裏等物

○三十二年庚午 景泰元年 以帝勅選馬五千匹分為十運進送

京師

記 ○翰林院侍講倪謙工科給事中司馬恂來領登極詔仍賜彩幣

倪謙通而和司馬恂簡而正才名馬不及倪操行倪不及馬 筆苑雜記

倪謙司馬恂到國詢不喜作詩謙能詩初於路上不留意於
題詠至謁聖之日有詩云濟之青襟兮左右森之翠相列成

行是時集賢儒士全盛見詩哂之曰真迂腐教官所作可袒
一肩而制之及遊漢江作詩云纔登傑構竒觀又棹樓船
泛碧滄錦纜徐牽綠翠壁玉壺頻送隔雕欄江上千古不改
色賓主一時能盡歡遙想月明人去後白鷗飛點鏡光寒又
作雪霽登樓賦揮毫灑墨愈出愈竒儒士見之不覺屈膝館
伴鄭麟趾不能敵世宗命申叔舟成三問往與之遊仍次
漢江韵倪謙愛二士約為兄弟相與酬唱不輟竣事還也拉
淚而別慵齋叢話

遼海編乃倪謙奉事所作賦以我國諸賢酬酢贈別之作
布政司叅議盧雍序之曰初侍講到朝鮮其國擇文學之
臣以為館伴公假顏色俯就之其人操筆面肆於眩者公
乃發舒其竒思如湧泉信筆立就不經意而辭旨超逸睥
睨軀馭旁若無人舉國始皆駭愕歎仰無已翰林侍講吳
節跋之曰暨公至國其國廣索能詩文者以司館伴先生
才思敏捷若水湧山出肆筆揮灑頃刻而就國人聚首稱
歎歛縮不敢出所長惟鄭麟趾申叔舟成三問三人稍知
警策間能屬和先生亦屢加獎進惜乎盧吳二子之尊崇
侍講而屈抑我東賢者太甚今讀遼海全編只是平之之
詩文未見者有洞盪蔽越竒偉橫絕之辭雪霽登樓賦雖
佳而申叔舟次韻賦辭翻々有楚聲亦可以仲伯侍講矣
何可易之哉盧吳二子之言實非公論也筆苑雜記

○世宗昇遐太監尹鳳奉御鄭善來賜祭及謚又許承襲賜九

章冕服彩段

○文宗元年辛未景泰二年謝恩使皇甫仁賡誥命以來

○二年壬申景泰三年帝立長子見濡為太子封前太子為沂王

遣吏部郎中陳純行人司司正李寬領冊立詔

陳純作吊朝鮮國王賦壩齋叢話

陳之節行仰若山斗李則風儀雋朗處事在陳範圍之內

不露圭角亦可人也筆苑雜記

○又遣尚膳監金宥右監金興賜祭及謚誥命九章冕服彩

幣

○端宗二年甲戌景泰五年黃致身回帝降勅賜宋史一部

○世祖二年丙子景泰七年遣內官尹鳳金興賜誥命及冕服彩

段等物命逆小火者以庭即心火者上佐等九人送進

○權躡回帝降勅許封世子

記 ○三年丁丑天順元年翰林院修撰陳鑑太常寺博士高閏來領

英宗復位詔曰朕昔恭膺天命嗣承大統十有五年不虞北

虜之變惟以宗社生民之故親率六師禦之以庶躬鄰王監

國兵律失御乘輿被遮時文武羣臣既立皇太子而奉之豈

期監國之人遠據當子之位既而皇天悔禍虜酋格心奉朕

南還既無復辟之誠反為幽閉之計旋易皇儲而立己子惟

天不佑未久而亡杜絕諫諍逾益執迷矧去德之良多致沈

痼之難療朝政不臨人心斯憤乃今年正月某日朕為公侯

駙馬伯及文武羣臣六軍萬姓之所擁戴遂請命于聖母皇

太后祇告天地社稷宗廟復即皇帝位大赦天下咸與維新
又頒復正皇太子詔且賜錦幣等物

時陳鑑見畫蓮作詩云雙玉似相親出水紅蓮夏逼真
名播頌聲錄有客愛從周後豈無人遠觀自可祛煩暑並立
何曾染俗塵料得丹青知此意絕勝鴉鴨惱比鄰朴元亨為
館次韻水鄉花鳥遯難親筆下移來巧棄真齒落初開如欲
語驚鷄間立不驚人游泥淨色還無染冰雪高標迥脫塵玉
署游仙者不厭清儀馨德與相鄰洗事李承召之作也又作
喜晴賦金守溫即依韻次之陳鑑大加稱賞曰東方文士與
中華無異矣高閔為人驕傲謂聖之日作古風令儒士次之
或有停筆未就者閔大書曰詩不成者五人後有願賡之者

雖千百其篇可也其慢人如此

懽齋叢話 謝山錄曰
陳鑑號芳洲

陳之文章亞於倪謙而操行則同高之文章不及於陳而
操行愈下初二使渡鴨江國家遣宣慰使遺節衣不受高
作送衣不受詩語甚倨傲其作成均館記有天理未嘗泯
滅之語詩亦有豺獺報本之辭及跋陽村應制詩則曰到
朝鮮恨無物足以駭人觀聽其傲視東方甚矣題太平館
樓詩自批曰極盡豪華之氣一以清高為主成均館唱酬
詩板眉大書曰詩不成者四人蓋譏我國宰相有不成詩
者也嘗書真草數帖曰羲之之筆字千金難得學者宜寶
藏之其輕薄至此時徐居正執事館下每見高作勃然變
色或手裂擲地同列皆笑一日高倩承文博士郭義卿書

錄首書思親詞一首次書送衣不受詩次書却妓詩次行
書謂先聖詩記其餘覽物興懷之作皆諱不書居正曰此
虜將還中國以此為釣名之資人之無狀至此我一日
上贐鞍馬居正語同列曰鞍馬非牽中之物此輩必却之
如却之高必作詩俄而果作却鞍馬詩曰漢文既是輕千
里祖逖無心著一鞭同列大笑將行上贐好劍聞作詩
謝皇華集既成聞初見喜倒讀至謝劍詩憤然失色其飾
詐失使臣體如此筆苑雜記

○五年己卯天順三年遼東謀者告建州酋董山潛結朝鮮帝命
巡撫都御史程信察之信遣自在州知州佟成始以他事往
境上得本國授董山正憲太夫中樞院使制信帝遣刑科給

事中陳嘉猷齋勅來責且出制信示之又遣錦衣衛譯者往建

州詰責

陳嘉猷謂箕子廟詩云炮烙烟飛王氣衰佯狂心事有琴
知言垂千載存洪範人到三韓謂舊祠為人美姿容鬚髯
如畫人與才兩美壩齋叢話

陳寬平正大觀其氣像知為大人君子文章亦平淡筆苑雜記
曹錫門齋奉到勅諭今得王回奏董山事情具悉宣德正統
年間所降勅諭欲令釋怨息兵未嘗許其往來交通除授官
職且彼朝廷既授官職王又加之是與朝廷抗衡矣但事在
已往朕不深咎自今以後宜謹守法度以絕私交

記 ○六年庚辰天順四年帝遣禮科給事中張寧錦衣衛指揮武忠

賡勅令將浪子兒哈事從實開奏

時張亨以我國擅殺野人事來問到弘濟院留不進曰王世子何故不出迎命左承旨李克堪答曰世子年少有病未來耳寧曰昔周公負成王朝諸侯世子年雖少不可負來乎克堪答曰周公負成王是武王崩之後成王幼弱未臨朝也若武王尚在而莅國則安有負成王之理且天子之命委諸草野而不顧告之乎亨大笑而起為人風標俊逸意氣豪毅嗣使武忠於館宴之日見妓柴洞仙屢目之寧謂館伴曰武大人出於燕趙之間長於歌吹之場艱關萬里無以暢懷不如慰而安之遂邀佳妓數人入房設酌談笑諧謔夜已深寧到中門踞胡牀一、二點妓名而逐之扃鎖而入忠悞恨不自勝

忠金帶職高字角帶職卑而顛倒制馭如此平壤舟中詩云平壤孤城發曉裝畫船簫鼓麗春陽烏雲盡青山出渡口潮通碧海長共喜皇恩同大地不知身世是他鄉清樽且莫頻相勸四牡東風路渺茫遊漢江詩曰東國有高樓前漢水流光搖青雀舫影落白鷗洲望遠天疑盡凌虛地欲浮八窓風日好下榻重淹留又作稷讓論古人所不言大抵詩文皆飄然有凌雲出塵之思非俗子所可髣髴也


嶠齋叢話

張寧文章可伯仲於陳嘉猷而言行頗有強作處然亦若

子人也 羊苑雜記

寧即倪謙門生

乙酉
○使臣金禮蒙回齋勅不許遣子弟入學
詳科舉



記

○十二年丙寅

武宗正德元年

翰林院侍講徐穆吏科給事中吉時

來領登極詔降勅賜紵絲文錦等物

○中宗三年戊辰

正德三年

太監李珍陳浩來賜誥命及冕服彩

幣等物

○十三年戊寅

正德十三年

李繼孟回勅賜繼妃尹氏誥命彩幣

等物

○十六年辛巳

正德十六年

太監金義陳浩齎勅封世子仍賜

銀兩紵絲蟒衣等物且令選進女子及小火者

記

○武宗崩世宗立遣翰林院修撰唐皋兵科給事中史道領

登極詔仍降勅賜彩幣禮部移咨日本部題奉聖旨前勅內

款取人口都不必用

唐臯史道之來到弘濟院以中宗迎詔後乘輦還宮為非禮遠接使李荇據例言之兩使輒有怒色曰俺等專敬尚禮參贊亦有此言耶荇對曰殿下待詔郊外敬事朝廷之禮大人自當見之上使笑曰因參贊之誠敬已國王之誠敬也容齋行狀

○三十二年丁酉嘉靖十年翰林院修撰龔用卿戶科給事中

吳希孟來頒皇嗣誕生詔

○三十四年己亥嘉靖十二年翰林院侍讀華察上科給事中薛廷寵來頒冊立皇太子及恭上帝恭禱二詔

○仁宗元年乙巳嘉靖十四年太監郭璫行人張承憲賜祭謚及

聘

又遣太監張奉吳猷賜誥命仍降勅賜彩幣

舊例平安道觀察使迎送華使于安州自張承憲之來始依龔用卿使朝鮮錄迎送于義順館

○明宗元年丙午嘉靖十五年太監劉遠行人王鶴來賜祭謚及聘

又遣太監聶寶郭鑾賜誥命仍降勅賜彩幣

○十二年丁巳嘉靖十六年遣李名燧尹春年請封世子且請補賜大王大妃王大妃誥命癸丑景福宮火延燒明年名燧等回賚奉

兩殿誥命以來

○十三年戊午嘉靖三十七年遣太監王本趙芬賚勅封世子

○二十二年丁卯穆宗隆元年翰林院檢討許國兵科給事中魏

時亮來領登極改元詔仍降勅賜彩幣行至嘉平館聞國

恤遣其舍人齋題本進于朝廷詳宣祖入承

記 ○宣祖元年戊辰隆慶二年大監張朝行人歐希穆來賜齋諡及

聘

又遣太監姚臣李度賜封王誥命降勅賜彩幣

僉張朝歐希穆求五馬曰皇帝使我求之從者曰稱聖旨無乃

未安乎朝曰我聞聖旨安可不說蓋皇帝好馳馬云希穆性

躁無威儀事畢即發倍程而馳沿路州郡多以未及供帳得

罪石潭日記

記 又遣翰林院檢討成憲兵科給事中王璽來領立皇太子詔

○五年壬申隆慶六年穆宗崩神宗立翰林院編修韓世能吏科

都給事中陳三謨來領登極詔仍降勅賜文幣表裏

又以本國叢解人口降勅褒諭賜銀兩綰段

○六年癸酉神宗萬曆元年宋贊回帝以送還被虜人口賜勅褒獎

銀兩彩段陪臣邊將等亦賜銀兩綰絲

○尹鉉回帝以送還被搶人口賜勅褒獎銀兩彩段陪臣邊

將等並賜銀兩綰絲

○九年丙子萬曆四年崔蓋國回帝以送回被虜人口賜勅褒獎

銀兩彩段

○十一年戊寅萬曆六年皇帝冊立中宮頒詔騰黃順付陪臣黃

琳到國開讀

記

○十五年壬午

第十萬曆翰林院編修黃洪憲工科右給事中王

敬民領皇嗣誕生詔

記

○二十五年壬辰

第十萬曆二行人司薛蕃來

詳宣祖壬辰錄

○二十六年癸巳

第十萬曆二先是寧夏賊劉東賜與李承恩據

城叛帝遣李如松蕩平仍復遣征倭至是遼東都司差通事

桂聯芳賚奉蕩平字夏詔書到國開讀

記

○行人司行人司憲來降勅慰諭

詳宣祖紀

○三十四年辛丑

第十萬曆二天朝恩賜誥命冕服因亂淪失

順差賀郎使趙挺奉請補賜趙挺回補賜國王誥命冕服

及懿仁王后誥命冕服

○三十五年壬寅

第十萬曆三翰林院侍講顧天峻行人司行人

崔廷健領冊立皇太子暨冊封福王詔勅賜彩幣文錦

遣鄭

奉表

○三十六年癸卯

第十萬曆三李光庭回賜繼妃金氏誥命冠服

遣南瑾奉表謝恩

○三十九年丙午

第十萬曆三帝遣翰林院修撰朱之蕃刑科都

給事中梁有年領皇太孫誕生詔賜彩幣文錦

又降勅諭往以倭情叵測朕令遼東撫鎮差標下負役到每

國哨探經今三載督撫稱通來海上并無動靜遣官都滋煩

擾令爾國自行探報以省供應之需茲特降勅宣諭王宜及

時濟勵乃心

著實修舉遠偵密探不論有無警息每兩

月一報鎮

衙門轉報如有重大形情不時馬上馳聞

云

○皇太皇后徽號頒詔賡黃遼東差官齋奉到國開讀

○四十一年戊申萬曆三十六年撫院差萬愛民嚴一魁查勘事詳光

紀海

○光海元年己酉萬曆三十七年行人司行人熊化來賜祭及聘

又遣太監劉用賜封王詔遣李光庭謝恩

○二年庚戌萬曆三十八年帝遣太監冉登齋勅封世子仍絲紵絲

等物前年己酉遣申欽等奏請

○十三年辛酉光宗即位天啓元年翰林院編修劉鴻訓禮科給事中楊道寅頒登極詔奴陷遼陽朝天旱路絕詔使由海路

歸

○十四年壬戌天啓二年監軍御史梁之垣來詳毛將假島下

○中朝推官孟養志賫勅自假島到本國光海稱疾不見留

置開城府踰年

○仁祖元年癸亥孟養志入京旋歸

記 ○四年丙寅天啓六年帝遣翰林院編修姜曰廣工科給事中王

夢尹等領誕皇子詔

○六年戊辰毅宗崇禎元年以本國新被兵火不許遣使順付陪臣

權帖等領熹宗遺詔及今皇帝登極詔

○七年己巳崇禎二年帝封皇太子頒詔勅付賀節使來

○十一年癸酉崇禎六年副總兵程龍奉勅自檄島入京明為還

○十二年甲戌崇禎七年司禮監太監盧維寧齎策封一世子誥

勅彩段來遣宋錫慶等奉表謝恩

乙亥宋錫慶回帝以勅使盧維寧所受贖行銀六千兩還

付使臣仍諭該部咨回我國差節使崔惠吉奉表謝恩

○仁祖十五年丁丑崇禎清兵許和後詔諭入南漢

○清以戒攻助檄島勅諭仍賜銀緞馬匹詳丙子錄

○英俄兒代馬夫達戴雲采賜封國王誥命金寶及鞍馬

貂緞英將即龍骨大

○十七年己卯馬夫達把吃乃湜羅等捧到王妃誥寶及

世子誥勅賜物

○滿月介來問上候違豫諭赦緩悞師期

○馬夫達吳超等來許寢馬步只徵水軍五千名仍監督三

田渡碑役

○十八年庚辰禮部侍郎梧木道謹 世子來

三月初七八京責使臣馬夫達通事刀里中慢毒而死

○二十年壬午李馨長賚勅來責明朝往來貿易私通不絕

○二十一年癸未順治元年戶部郎中太平古來諭責獨步事及

舟師悞期

○八月右侍郎割送可來宣太宗文皇帝暴崩訃勅

○戶部丞政陳國史院正剛來宣登極改元詔賜鞍馬船緞

頒赦

○波音所博氏來宣入燕京勅 詳大明七下

頒赦天下詔上全

上寬溫仁聖皇帝謚曰應天興國弘德彰武寬溫仁聖睿

孝文皇帝廟號太宗頒詔

○二十三年乙酉順治三年禮部侍郎藍所伊等來諭許 世子

大君還國

○工部尚書興能等來慰 昭顯喪仍致祭皇叔攝政王又

遣一等近侍石大里書慰吊祭

○內翰林弘文院太學士祁克格等來宣冊封 世子勅誥

敕緞兼付日本漂海人又帶碧潼犯採人十七名內品官梁

繼賢李大男於館所紅門外斬其餘決杖有差

○二十五年丁亥順治五年戶部啓心郎秘書院學士布黨等為

進貢禮物內紅綵紬廣狹不同龍紋席比前甚狹事捧到勅諭將當該官吏決杖遠配仍言凡使臣勿許假銜中江關市務要誠實貢米勿於鳳城而直輸北京云

○禮部啓心郎烏黑等來宣勅日前諭禮儀忽畧差官違例者皆以貨財雖細粗疎非敬慎今後慮或復蹈前轍用以知曉特減年貢內細布色木黑角順刀胡椒等物

○二十六年戊順治六年內翰林秘書院學士加一級額哈等來宣

勅諭

○二十七年己丑順治七年禮部威勒起恩格待等來宣太祖承天廣運聖德神功肇紀立極仁孝武皇帝配天追尊太祖以上四世高祖澤王為肇祖原皇帝曾祖慶王為興祖真皇帝

祖昌王為景祖翼皇帝考福王為顯祖宣皇帝大赦天下詔

勅彩段

○戶部侍郎甫大樂古等來致祭賻謚

禮部侍郎於許等來宣冊封誥命及勅賜彩幣

○孝宗元年庚寅順治八年戶部尚書巴哈納等來宣勅日前謚

恭先王不曾尚謝皇父攝政王贈賄亦不書謝禮物雖具單上不書皇父此皆失禮且責以倭情可慮陳奏虛謔

攝政王勅諭求婚

○攝政王遣被紅等催婚賚彩段一百疋黑貂三百領馬鞍二副馬五匹

○攝政王遣戶部侍郎車元等催婚賚彩段六百疋赤金五

百兩銀一萬兩

○禮部侍郎藍所伊來責前奏倭情欺罔巧詐

○

○兵部啓心郎額色黑捧到追尊攝政王母為武皇后詔勅
○副使學士賚功回到黃州患痘死翌日入棺燒火收骨而行本國賻銀五十兩土布五十疋白綿紙六十卷綿紬十疋厚油氈五番移咨禮部通計

○禮部侍郎達等捧到攝政王訃

○二年辛卯

順治九年

禮部尚書內翰阿思哈阿等來宣親政詔仍頒赦李夢虛恠徑自問結任用之臣違旨復用事並皆原

宥

○吏部啓心郎甯等來宣皇太后祔廟詔勅彩段

○刑部尚書季等來宣上慈聖皇太后尊號詔勅彩段仍頒赦

○工部理事官奕等來宣詔日諸王大臣合辭奏太宗賓天時并無欲立攝政王之議彼時皇上幼冲將朝政付與鄭親王興理遂以伊弟豫郡王輔政背誓肆行自稱為皇父以扶立皇上盡為已功又將太宗素養兵將為皇上捐軀滅賊之功專為已功僭乘輿滅絕異己貴臣將侍臣牛录人丁收八自己旗下一切政事緊用其旨以朝廷自居祔其生母於太廟顯有篡位之心臣等俱畏威吞聲云々隨命在朝大臣會議衆口僉同伊之近侍首言伊主在日私造帝服曾與伊

謀臣議帶伊阿固山移住永平府云、朕令諸王大臣審問
篡謀果真將伊母子并妻罷追封撤廟享云、

○吏部侍郎涂等捧到加上慈聖太后尊號詔及冊立廓兒
心國指凌免親王吳商之女為皇后詔勅彩段仍頒赦

○三年壬辰順治十年刑部侍郎宜爾都奇等來慰問趙昭媛金
自點圖為不軌

○內院學士蘇細海等來勅帶犯越採參人大坡兒民劉春
立等五名至王前訊問

○四年癸巳順治十一年禮部尚書郎等來勅諭皇后降為靜妃
改居側宮

○五年甲午順治十二年通官韓巨源回諭進精砲手一百名由
會序至寧古塔聽昂邦章京沙每虎達率領往征羅禪郎差
虞候邊安領往

○刑部尚書巴等來以鄭命壽事察議

○阿思哈厄阿番額等來宣封郭兒沁國鎮國公綽爾吉之
女博爾吉金氏為皇后詔及加上皇太后尊號詔勅彩段仍
頒赦

○多兒吉昂邦阿魯哈來責謝恩陪臣隨行負役擅買硝藥

○工部尚書孫等來宣恭祀上帝皇地奉太宗太祖并配詔
勅彩段仍領赦

○固山額真理藩院尚書加一級明等來皇貴妃生第一子
領赦

○九年戊戌通官李一善賚到勅羅禪又蠢動善烏銃二百
名限五月送至寧古塔郎差北虞候申濶領往

○多羅越昂邦加一級哈等來宣皇太后聖體大豫詔勅彩
段仍領赦

○十年己亥多里吉昂邦馬每札等來吊祭麟坪大君

○工部尚書仍管左侍郎事郭科等來致祭賻謚

○少保兼太子太保禮部尚書兼文華殿太學士蔣等同來宣冊封誥命彩幣

顯宗二年辛丑太常卿馬羅塔等來宣世祖章皇帝訃勅及遣詔

○經筵日講官禮部左侍郎加一級翰林院掌院學士教習庶吉士折等來宣登極改元詔勅彩段仍頒赦

○理藩院侍郎加一級達等來宣勅體天隆運英睿欽文大德弘功至仁純孝章皇帝廟號世祖

○三年壬寅康熙元年太子太保兼工部尚書加一級喇等來領擒永曆詔詳大明亡

○都察院左都御史覺羅雅等來宣上尊號皇太后曰昭聖太皇太后母后曰仁憲皇太后母妃曰慈和皇太后加恩詔勅彩段

○四年癸卯頭等侍衛哈等來宣慈和皇太后訃勅

○刑部右侍郎覺羅勒得洪等來宣勅以進賀賀役見拉疏黃遣官究審

○六年乙巳內院學士兼工部左侍郎柯等來宣冊立內大臣噶布喇之女黑舍里氏為皇后詔勅彩幣及加上太皇太后徽號加恩詔

○七年丙午經筵日講官戶部左侍郎雷席等來以謝恩負後擅買硫黃燔硝又逃入小二容隱義州三年遣官究審

○八年丁未理藩院左侍郎綽等來宣親政詔勅彩段
○九年戊申一等侍衛宜都額真加一級童等來宣恭祀上帝皇地奉世祖配享加上太皇太后皇太后尊號詔勅彩段仍頒赦

○王伊章京一等蝦等來宣加上皇妃尊諡祔廟詔勅彩段仍頒赦

○十三年壬子理藩院左侍郎一等侍衛對等來宣統一寰宇追章皇帝志躬詣福陵虔修祀事告成加恩扈從觸免一路詔

○十五年甲寅宜都額真頭等侍衛胡等來宣皇后黑舍里氏詔勅

○一等侍衛加二級宜對額真覺羅伍墨納等來宣 仁宣王后吊勅祭賻

○一等侍衛德等來宣皇后尊諡勅諭

○肅宗元年乙卯內大臣加一級壽西泰等來宣祭文祭幣各二具及謚

○一等侍衛桑額等同來宣冊封誥命及勅賜彩幣

○二年丙辰散秩大臣卜等來宣冊封嫡子胤初為皇太子詔勅彩段仍頒赦

○宜對額真一等侍衛加二級噶等來宣太皇太后皇太后

加上徽號詔勅彩段仍頒赦

○三年丁巳宜都額真頭等侍衛加二級阿等來宣丹公道必隆之女鈕祐盧氏為皇后詔

○四年戊午一等侍衛塞等來宣皇后鈕祐盧氏計勅

○上駟院一等侍衛加一級馬等來宣鈕祐盧氏謚孝昭皇后勅書

副勅侍衛噶來觀東國文籍賚去石洲挹翠荷谷玉峯蘭雪圃隱寺集正氣歌桂苑筆耕史畧古文真實及近代墨刻法帖東人科體表賦詩論十二篇又求各體文大字真草差出製述官十四員能書人八員製書以贈

○五年己未一等侍衛加一級宜都額真郎等來宣皇太子

出痘平復赦詔

○六年庚申一等侍衛宜都額真加一級親身侍衛頭領費等來宣太和殿災赦詔

○內閣學士兼禮部侍郎希福等來宣勅以犯越盜取木皮違官究審

○一等侍衛加一級覺羅孫郭等來宣勅問慰討逆

○七年辛酉經筵日講官起居注翰林院侍讀學士加一級牛鈕等來宣 仁敬王妃祭聘吊勅

○八年壬戌一等侍衛武備院堂上羅等來宣討平吳三桂及三桂孫世璠詔勅彩段仍頒赦

○護軍統領抗等來宣加上太皇太后皇太后徽號詔勅彩

段仍領赦

○內閣學士兼禮部侍郎阿等來宣 仁顯王妃封冊誥命

彩幣

○十年甲子一等侍衛亨柱巴圖魯等來宣 明聖王后祭

聘勅

○內大臣加一級靳等來宣詔曆逢甲子世際昇平特普弘

仁仍領赦

○十一年乙丑護軍統領佟寶來宣勅以鴨綠江三道溝繕

畫輿地山川之人被朝鮮人放鳥銃致傷特遣官嚴查

○十三年丁卯都統蘇等來宣因旱肆赦詔

○十四年戊辰一等侍衛加一級趙等來宣太皇太后訃勅

及遺詔

○內大臣阿等來宣尊太皇太后謚文皇后祔廟詔勅彩段

仍領赦

○十五年己巳鑲黃旗護軍統領加一給穆圖等來宣 莊

烈王后祭聘帛勅

○二等侍衛豪尚等來宣皇后佟氏訃勅 七月初九日冊立
初十即崩云

○二品副元帥海等來宣冊謚佟皇后為孝懿皇后詔勅

○十六年庚午翰林院侍讀馬頭等來宣冊封 王妃誥命

綵段

○十七年辛未內閣學士兼禮部侍郎西安等來宣勅以廢

典犯越人事詳核審奏

上勅求見宰相朝士中名筆故因大臣定奪書贈

○二十一年乙亥經筵日講官起居注吏部左侍郎兼翰林學士教習庶吉士常壽等宣仁顯王妃誥勅冕服綵幣原受冕服失於回祿故賫來

勅使求古今詩文及東文選蘭雪軒集崔孤雲金生匪懈堂竹南筆蹟又使院官安慎徽金揚立寫字官李壽長書字製述官洪世恭製詩卷去

○二十三年丁丑一等待衛副都統儀都額真瓦等來宣封世子勅誥彩幣

○散秩大臣永等來宣勅日親征噶爾丹三出塞外寇氛盡滌邊圉永安大和殿新成仍頒赦

○二十四年戊寅中江賜米貿易

詳開市

○二十八年壬午日講官起居注翰林侍讀學士覺羅滿等來宣仁顯王妃祭膊吊勅

○二十九年癸未副都統宜都額真頭等侍衛兼佐領加一級翁等來宣詔日親往閱視畿輔山左江浙等省回鑾頒赦

○日講官起居注翰林院掌務學士兼禮部侍郎教習庶吉士加二級揆叙等來宣冊封王妃誥勅彩幣又賜御筆

○三十四年戊子洛皇太子過失甚多九月十八日祭告廢黜嗣後啓筴方物暫行停止

○三十五年己丑宜都額真頭等侍衛敦公等來宣皇太子復位頒赦詔

○三十七年辛卯烏刺提管穆克登等到鳳城會查渭原採參犯越人

○三十八年壬辰穆克登至白頭山定界詳北邊

○三十九年癸巳護獵提管穆克登等來宣詔臨御五十餘年春秋六旬頒赦

○四十三年丁酉日講官起居注翰林院侍讀學士阿克敦等來宣諭朝鮮國王安靜守法人民愛戴四十餘年國中享太平之福未有如此之久者朕甚嘉之覽部奏稱王因眼病請買空青眼深軫念特遣官往賚

○四十四年戊戌阿克敦等來宣皇太后計勅及遺誥

○四十五年己亥內閣學士兼禮部侍郎德音等來宣上皇

太后謚章皇后祔廟詔勅彩段仍頒赦

○四十六年庚子內閣學士兼禮部侍郎額和納等來宣吊勅特恩致祭

○景宗元年辛丑內大臣兼管鑾儀衛冠軍使事查柯丹等來宣祭謚祭文祭幣各二具兼賚冊封誥命及勅賜綵幣

○二年壬寅經筵講官內閣學士兼禮部侍郎阿克敦等來宣冊封世弟勅誥彩幣勅諭畧曰父子相傳有國之常經兄弟繼及一時之權道覽王萎以抱病日久嗣續維艱請將親弟建為世弟情辭懇至朕勉允所請遣大臣齎捧誥命封為王世弟并賜彩幣唯王晶弟敦乃奕倫永懷忠順王如兆叶禰祥吉占熊夢王其再奏

○頭等侍衛副都統那真等來宣聖祖仁皇帝訃^{十一月}初十三日
崩及遺詔

○三年癸卯^{雍正}內閣學士無禮部侍郎額和納等來宣登極
改元詔勅綵段仍頒赦

○內閣學士無禮部侍郎常保等來勅合天弘運文武睿哲
恭儉寬裕孝敬誠信功德大成仁皇帝廟號聖祖

○通政使司通政使圖等來宣皇太后訃及遺詔

○散秩大臣宗室伯曾成等來宣聖祖祔太廟詔勅及綵段
無賚追謚皇太后詔勅仍頒赦

○四年甲辰一等伯散秩大臣欽拜來宣恭祀上帝皇地祇
奉聖祖配享詔勅及彩段仍頒赦

副使都察院左副都御史岳以病落留瀋陽不來

○副都統額而德等來宣冊立那拉氏為皇后詔勅綵段

○英宗元年乙巳散秩大臣覺羅舒輅翰林學士阿克敦等
同來宣冊封誥命勅賜綵幣無賚諭答文祭幣謚號

上使舒輅回到平壤病死即日斂棺翌日啟行專差宣傳官
李馨遠譯官李杓通計禮部贈送白綿紙五百卷綿紬三十

疋土布一百疋銀子一百兩稍細麻子五十疋

○散秩大臣二等伯馬蘭泰等來宣冊封世子勅誥彩幣

○五年己酉武備院正卿頭等侍衛七十等來宣孝章世
子祭文祭幣

○七年辛亥散秩大臣伯馬哈達等來宣宣懿大妃祭賻

吊勅

○大理小郞巴等來宣皇后邦拉氏訃勅

○八年壬子禮部咨奉旨孝敬皇后冊謚禮成令遣官負勅諭恐外藩不無迎送供應之弊照頒示各省之例一體行文朝鮮將朕此旨傳諭該國王將寶勅一道備文遞送知會該國

○十一年乙卯散秩大臣公法等來宣世宗憲皇帝訃勅及遺詔

○兵部侍郎鎮國將軍宗室德沛等捧到登極改元詔勅仍領赦

○散秩大臣奉義公噶爾敦等來宣勅敬天昌運建中表正

文武英明寬仁信毅大孝至誠憲皇帝廟號世宗皇太后謚曰孝敬恭和懿順昭惠佐天翊聖憲皇后加恩詔勅

○十二年丙辰詔令勅使饋送儀物悉照舊例永減一半

○丙辰乾隆元年散秩大臣信勇公兆德等來宣上皇太后尊號

詔勅副使釋迦

時正使兆德副使釋迦保知伊等於饋遺正禮外復照舊例私受都請別請兩單刑部審訊兆德等治罪因諭該國當以恪遵諭旨為恭不當以私厚使臣為恭嗣後宜遵前旨不得私與一件

○十三年丁巳散秩大臣保德等來宣世宗憲皇后合祔太廟詔勅及配天詔勅絲段仍領赦

○十四年戊午散秩大臣色冷等來宣皇太后尊崇冊富察氏為皇后詔仍頒赦

○散秩大臣襄恭等來宣冊封 世子勅誥綵幣

○二十四年戊辰散秩大臣副都統博綸岱等來宣皇太后富察氏計勅

○散秩大臣頭等公舒靈阿來宣冊謚富察皇后為孝賢皇后詔勅

○二十五年己巳署散秩大臣副都統蘇瑚集等來宣平定苗蠻皇太后加上尊號冊嫺妃邦拉氏為皇貴妃攝六宮事

詔勅仍頒赦

○二十六年庚午經筵講官禮部左侍郎介福等來宣皇太后加上尊號皇后封典詔仍頒赦

○二十八年壬申妻署散秩大臣伯郭爾多等來宣皇太后六旬加上尊號頒赦詔

○三十一年乙亥妻署散秩大臣宗室巴爾薩等來宣西捷討平皇太后加上純禧徽號頒赦詔

○三十三年丁丑散秩大臣副都統勳舊佐領祥恭等來宣仁元皇后 貞聖王妃兩殿祭贍冊

○三十六年庚辰妻署散秩大臣輔國將軍宗室鍾福等來宣大小和卓木討平頒赦詔

○散秩大臣世襲一等子栢成等來宣冊封王妃誥勅綵幣

○三十八年壬午散秩大臣一等襄績公隆興等來宣莊獻世子祭文祭幣

○三十九年癸未散秩大臣宗室弘曠等來宣世孫誥勅綵幣

詔曰滿洲大臣素嫻鞍馬不宜乘用肩輿自圖安適嗣後永傳肩輿外藩省繁文

○五十二年丙申散秩大臣漢軍副都統覺羅萬復內閣學士策賚等同來宣冊封誥命勅賜彩幣兼賚諭祭祭文祭幣
謹誦順 真宗追封爵謹恪 孝純王妃趙氏誥命并頒平

定金川詔及新篆金印

○今上元年丁酉散秩大臣一等襄績公隆興等來宣皇太后詔勅遺誥

○世宗十二年改慕華樓為館

華慕館曰立兩柱紅門木謂之迎詔門金安老建議作一門
蓋以青尾題其額曰迎詔之門後三年己亥天使薛廷寵見
之曰所迎有詔有勅有賞賜而名以迎詔似偏矣遂寫迎恩
門三字使揭之野乘通文館志

○世祖朝修弘濟院詳城闕

弘濟院舊有小亭天使八京日改服其上瀋齊叢書

○大平館在崇禮門內侍中朝使臣館後有樓倪謙祁順高
閏皆有登樓賦輿地勝覽。通文館志曰太平在館西。部養

大平館未詳廢於何時而仁祖朝撤大平館移構弘濟
院壬辰後無恙至是始撤歟

○小公主宮為義安君新宮而倭首久居而出今為天使唐將接遇之所 聞韶漫錄

時公私廬舍蕩然灰盡而此宅以倭將所居見遺李如松館于此仍為詔使所止後稱南別宮

○仁祖朝使介宿碧蹄直入王京戊子勅諭今後止在弘濟院住宿次日清晨進王京使臣額哈以所設弘濟院館面形付償使：即營造於是撤大平館及仁慶宮餘存材木移構

○天朝之待本國與他外國迥殊故凡諭告予祭禮賜聘問與藩封親王相等蓋成祖與我 太宗相得驩甚故也

天朝皇上立極皇長子誕生封太子皆有詔使頒于本國悉用翰林科道而有故則殘即署行人予祭則亦用行人至於本國封王世子則用內官內官奉詔是大恩典中國親藩之封亦不許內官我國得之其榮莫大然自此我國入朝官者初乞於帝而來因為規式今則以是為巨瘡可勝言哉 識

小錄

金莫安東人八朝為司禮監太監有罷於憲宗不肯奉使於本國曰吾安敢抗禮於吾國王乎天朝史牒稱莫謙遜識事體且有扶護心人之功 上全

○中朝皇長孫誕生無詔諭之事萬曆乙巳誕皇長孫特遣翰林修撰朱之藩刑科都給事梁有年来頒詔

宣祖丙午來此亦

異數也

識小錄

○勅使時軒架自前義禁府軍器寺分耦為之仁祖丁丑

吳將之采始因備局覆啓別設都監

通文館志

○順治戊子勅諭向來奉使官負王禮敬太過今後筵宴之時拂椅席送盃箸儀節具不必行大定清川臨津三江搭橋義州至王京通行火把人民煩勞并行停免使臣禮物酌定減免

額哈來宣通文館志

○每當北使之來朝家設籩禮都監聚倡優張山棚而迎之肅宗癸未北使將入城大司成金鎮圭奏曰臣頃於街路見都人之奔波而士子亦多往觀士不自重如此宜有禁制矣上命禁之犯者限三年停舉

儻使

世宗庚午天使倪謙館伴鄭麟趾一日謙與麟趾露坐庭中
仰視皓月當空問日月在何星之次麟趾曰正在東井之分
謙歎賞不已因論天像遂及道學無不響應定為神交是日
麟趾出謙曰奈如夜深何麟趾曰可怕李金吾謙曰莫逢王玉
汝相與笑曰天下未嘗無對信哉 名臣錄

○世祖丁丑天使陳鑑高閏館伴朴元亨浚事李承召 互見 詔使
儻使必擇一時文望而朴元亨許宗俱以儀表禮容見獎
於華人朴之酬芳洲許之答玉峯皆浚事官李承召申浚
漢之代述也 識小錄

○世祖己卯天使陳嘉猷

○世祖庚辰天使張寧

○睿宗

天使姜浩接伴盧思慎

詳 成宗相臣

十九年

○成宗戊申天使董越遠接使許琮

詳 成宗相臣

圭峯之來許琮帶從事二直一郎申浚護而一乃朴增崇
以參下官亦得之其後朱梁之來趙希逸自博士超為典
籍亦恩命也 識小錄

○成宗丙申祁順張堉之來徐居正為遠接兩使歎曰真奇
才也 名臣錄

居正與祁順唱酬注復畧不相輸順欲以多窮之作登樓賦
無慮六十餘韵洪貴達代居正步其韵順贊賞祔呈華集上
○燕山乙卯行人王 遠接使洪貴達

○中宗辛巳天使唐昇遠接使李荇浞鄭事士龍蘇世讓
李荇在路遊香山間天使過江馳逐於定州荇願又不揚天
使怒不禮之及見其叔章始深服書與副使曰此人詩壇老
持慎勿輕製云 芝峯類說

○中宗丁酉天使龔用卿時蘇世讓為遠接使鄭士龍為嘉
善為平壤迎尉使龔文章浩汗沿道所作先播東方朝儀皆
以謂世讓不能抵當世讓在義州詳病以士龍持陞資憲為
其代士龍笑曰朝廷以我為雨日屐也 芝峯類說
時吏判沈彥光為館伴欲自往言于金安老安老曰非其人
莫可鄭雲卿方在箕城可送之遂以代之及詔使之還別草
彥光獨加贈二首蓋示其能人笑其浮誇 寄齋雜記

●中宗己亥天使華察儂使蘇世讓

○仁宗乙巳天使張承憲儂使申光漢

○明宗丙午天使王鶴儂使鄭士龍

○明宗丁卯天使許國儂使朴忠元浞事奇大升館伴閔箕

○宣祖戊辰天使歐希稷

○天使成憲僭使朴淳

○壬申韓世能陳三謨之來鄭惟吉主館伴盧守慎為遠接使二使在中朝大望甚高守慎固辭不就於是改令交易人謂盧之腐翰甚思鄭之仔鉢清新兩得其所二使見惟吉加敬重請宴雖遽及成禮語譯士曰吾悅使君風度欲常而見之故不辭也臨別至於出涕

清陰集林塘碑

○壬午天使黃洪憲時李珣為遠接使江上迎詔日注目良久

久問譯官曰這遠接使有山林氣像無乃借山林之士以待

我耶譯官對曰遠接使以壯元及第位躋崇品非山林士也

天使曰是做天道策者耶蓋珣所製天道策流入中國故也

芝峯類說詳

宣祖朝儒賢

從事許蔚

○壬寅天使顧天俊崔廷健時李廷龜為遠接使李好閔為

義州迎尉使廷龜臨時辭遽以好閔代之廷龜為早壤迎慰

使芝峯類說。時廷龜病拜好閔大提學陸崇祿左贊成以

亂後顧崔之來接待始依平時李廷龜為遠接使朴東說李

安訥洪瑞鳳為從事官車天輅權韞金玄成為製述官韓漢

以寫字官亦在行蓋極一時之選李晬光差都司宣慰使

上以宣慰二字非尊敬王人意命改稱迎慰使後遂為例

凡詔使僉待之時又有典筆札者如曹仲洪裕孫者是已無
製述官代行者至是顧雀之來李廷龜帶金玄成車天輅權
鞞三人丙午柳根又請金權二人權辭而金往已酉根又帶
車天輅及梁慶遇遂為定式云 識小錄

曹仲自去峯至紫陽為典禮之任是時不設漢史學官俱
故仲每以醫自往返自鄭蕃門賤設科朝廷為設學官以
慶蕃詔使之來輒令學官司筆札蕃及魚叔權鄭和朴枝
華權應仁李再榮相繼而行 上全

○丙午天使朱之藩遠接使柳根從事李志完趙希逸許筠

館伴李好閔朱梁兩使每補好閔詞丈甚敬之名臣錄

時李好閔僉顧崔苦之需求柳根接朱梁困於酬唱權鞞

曰五峯勞力西垵勞心 識小錄

○光海己酉熊化

○辛酉天使劉鴻訓僉使李爾瞻

○仁祖丙寅天使姜日廣王夢尹儼使金塗浞事鄭弘溟鄭百昌鄭斗卿白衣

貢獻

太宗八年進馬三千延九年又選進好馬詳上詔使

○太宗獻天馬詳太宗故事

○太宗八年九年十七年選進女子並詳上詔使

我國女子選入天朝侍皇上者無不被寵故權末均呂貴真崔得霏得為列卿居此受祿王世負異典述所補外國官以中國職而居外國者是已韓確二妹入天朝召為光祿少卿奉詔頒于本國尤異典也識小錄

○太宗九年己丑永樂七年移咨禮部乞免金銀器皿代以土產物件尚書趙說召謂使臣僕眉壽曰汝國以不產金銀欲將別物代貢有違洪武年間舊例我不敢奏恁欲奏則明日早

○世宗三年進馬萬疋五年又進馬萬疋九年進五千疋三十二年進五千疋詳詔使

○世宗已酉一作子計稟使恭寧君相副使都統制元閔生以請免金銀貢事發行上親餞于慕華館相等骨捧皇勅而來許除金銀貢以土物效誠東岡雜記

相如京師請免金銀貢四帝降勅二道其一曰金銀既非本國所產自今貢賦但以土物效誠其一曰自今朝廷所遣內官內使人等至王國中但以禮待之毋贈以遺物朝廷凡欲索物件唯憑御寶勅書應付口傳朕之言語取索及非理需索者悉勿聽王父子故事朝廷歷年歲逾久逾篤朕所知非彼左右近習所能間也王無慮寫政事撰要

歲貢金銀至是始得準免而按世宗朝進馬一萬疋者

再五千疋者又再今則歲貢五千疋亦僅充數或至闕種可見國初物力完盛非今日之所能及也芝峰類說

○宣德己酉世宗十一年天使尹鳳昌或李翔等以皇勅棟蓮小大者六名執饅婢十二名唱歌婢八名賫伽伽琴玄琴御琵琶唐琵琶發行東岡雜記五上詔使

○宣宗皇帝嘗降勅世宗十四年王世子令送耕牛一萬隻于遼東以循布貿易世宗政院政府六曹擬儀或有欲以罪疫缺少難堪充數為辭者上曰是議予不敢也予至誠事大今當此事乃以詐言奏請規減豈理也哉是則為山九仞功虧

一簣也知甲安崇善曰天下古今之事不過邪正二字豈可
以邪道事上國乎東國雜記降勅回諭五見上詔使

○進諸品海味土豹海青黃白鷹狗并詳詔使

○中官之入朝者代各有之至弘治中成宗朝加令逆送為我

國除一弊瘼識小錄。金莫不肯奉使本國見上詔使

○中宗

○明宗元年丙午禮部傳奉聖旨令陪臣閱世良先送譯官

以本國紙代席貢一二次郎遣李獲晉祇進獻政事撮要互詳下使臣

○宣祖朝領相李德馨曰聞禮部方物檢獻時雲南等國所
貢之馬有如飛龍扁鞍彩勒覆以紅氍燁煌照耀我國之馬
則以玄黃骨立之馬牽以藁索故所見無形云矣特進宮金
信元曰我國之馬亦且羈勒而但一八玉華館我國之人不
能者護專委於唐人故盡為闕矣壬寅日記青野謾輯

○宣祖壬寅三十五年謝恩使黃慎回啓曰在京時禮部蔡郎中
曰儉不進國毯絲布已違舊例前日陪臣之回再三遊說而
今進方物如何又缺前頃布子儉國敬事天朝非他國比但
近來所獻方物如白紵布席子等物品多廢下自今以後精

擇以進仍問俗國所謂毛施布是白紵布乎黑麻布乎回說
毛施布係是本國鄉語即白紵布也黑麻布經用白絲緯用
紵絲是別樣布子云、仍將本國被寇殘破以致方物之欠
悚仄謝罪等情移咨禮部 故事撤兵

○光海庚戌年例進獻人參常用生參貢路遙遠未免透濕
差賀至使俞大禎陳奏以請把參代獻禮部奉聖旨是

備 ○年例歲幣數白上綿布一十疋生上綿布二十疋大好紙

二千卷小好紙三千卷鹿皮一百張水獺皮三百張白細二

百疋紅紵一百疋綠紵一百疋白紵布二百疋五爪龍紋席

二張彩花席二十張好腰刀十柄粘米四十石

備 ○年例節使方物都數黃細紵布三十疋紅細紵布六十疋

白細紵布百八十疋黃細綿紵七十疋紫細綿紵一百四

十疋白細綿紵一百二十疋龍紋廉席六張黃花席一百十

五張滿花方席五十五張滿花席九十五張雜絲花席一百

十五張粘六張厚油毛十部水獺皮二十令白綿紙四千卷

螺鈿梳函四事 別使方物不在此限

○崇德丁丑始定歲幣黃金四萬兩 康熙壬申免 白銀一萬兩 康熙

辛卯 水牛角面弓二百副以一百副丁亥減一百副則甲午代
 免好大紙一十卷水牛角代一千卷合二千卷好小紙一千五百卷水牛角代
 合三千卷 豹皮一百張康洪辛卯免水獺皮四百張正卯免
 青黍皮三百張卯免茶一千包順治胡椒十斤順治
 蘇木二百斤順治好腰刀二十六把六把順治順
 刀二十把十把順治五爪龍紋簾席四張二張順治雜
 彩花席四十張二十張順治白苧布二百疋各色綿紬二千
 疋六百疋順治各色細木綿一萬疋六百疋順治
 二百疋順治各色細木綿一萬疋六百疋順治
 丁亥減去百疋辛卯減去百疋順治乙酉減二千一百疋
 順治乙酉減八百疋雍正癸
 細麻布四百疋三百疋順治麻布一十四百疋順治
 米一萬包九千包順治 稷院戶
 先 丁亥減六十石雍正中減 曹騰錄

○仁祖庚辰歲幣黃金不足五十兩替進銀一千兩不納專
 差譯官趙孝信補進將金非土產積錄累分亦未易辦之意
 咨報戶部通文錄志下同

○辛巳咸陽民掘土得一瓦罈上刻一十年內有黃金十甲
 片一片刻宜春大吉差譯官李院贊進認曰新羅古金既為
 所得王不自私專人送來足見事上之誠其字語似屬祥瑞
 王得之即朕得之也原金着來官回與

○甲申勅諭米糧量力船載今秋送至燕京庶見助急之意
 即辦一萬石分二運載送肅川船十六隻米四百七十九石到神山
 島敗沒前後敗沒二千五百四十九石
 乙酉傾渚倉儲得大米九萬五千石分遣使臣于三南兩西

發船輸納以助燕都難食之意移咨戶部

○丙戌准戶部咨買辦秋黍二萬六千二百紅柿六千八百

晉赴鳳城

○孝宗丁酉詔獻好鳥鈔一百桿

○肅宗辛未詔獻好鳥槍三千柄

奏箋

開國初以表辭不恭徵金若恒鄭摠詳

太祖名臣

○洪武二十九年

太祖五年丙子

帝覽賀正表箋怒以為有戲侮字

徵換表人鄭道傳道傳稱疾權近請行詳

太祖朝文衛

○明太祖詔頒表箋回避字樣其傾覆頽敗絕滅天短等字意凶可回避如億載無疆有道生知明哲等字何以回避乎

徐居正以示部戶部順曰中朝亦用此回避乎曰無難海內

諸侯表箋亦不用此必但行於貴國而已蓋洪武年間帝怒

金義教使附胡元遂歸罪於表詞不切徵鄭摠金若恒抵罪

仍頒回避字樣此出於一時之命不必行於後世也

筆院雜記

○提學崔興孝以善書名嘗書八朝表不愼月日學國不

之知求樂皇帝見之以表密授我國使臣曰若下有司必請汝王之罪故潛還送之歸語汝王後勿如是世宗大怒即囚提學于獄將加極刑其妻上書請命傳曰此非予所知其訴寃于皇帝然以無情之故杖而流之

增齋叢話

○宗系辨証時奏文中有國祖諱子春字子春之語禮部官有疑之者使臣之還金繼輝聞其語曰此不足疑古人字同其名者多矣如郭子儀字子儀楊燕奇字燕奇因歷舉名字同者凡七人

月汀漫錄

○明文皇廟號太宗後謚成祖而萬曆癸酉年間本國送奏以太宗文皇帝為辭禮部移責之曰事屬不恪後勿如是頃日文書中又不察稱以太宗既查對啓下後鴨字官景容

能識典故即請改之蓋攷事撮要稱太宗文皇帝故仍襲其謬而用之耳

芝峯類說

○事大文書承文提調監進在京有三次查對承文院黑草查對方物封裹日政府查對拜表日慕華館查對發行又有黃州平壤義州三次查對讀准黑草若有誤字馳啓改書通

文通志

長濱黃廷或嘗言我國事大文書出黑草每日朝鮮國王臣姓諱姓諱二字當作姓名蓋以諱字不可用也今攷大明會典宗社祝文皆曰皇帝姓名廷或言實昭合於此月

汀漫錄

○嘉靖乙巳尹潯朝京謝恩表有既既角滂之顯之言復哉

里之悠々之句禮部中郎覽訖曰爾字不恭宜改爾作令譚
官對曰爾濇二字出於詩經况表辭非陪臣所當擅改郎中
曰汝謂我不通經乎古今異宜安可拍上為爾若不改則本
部當參奏表詞不恭矣於是不得已令書狀官姜偉改寫令
字而呈之釋官雜記

○康熙乙酉禮部移咨曰慶賀表箋俱頗有定式惟朝鮮每
歲更換文辭故字句之間有不盡協合者今後依內閣纂定
表箋成式以省繁文云仍騰送一通謝恩表則隨事別撰故
無定式槐院騰祿通文館志

○肅宗己未禮部以冬至表文有不行回避字殊欠敬慎議
罰銀五十兩奉旨縱寬免罰通文館志

○丙子謝箋內有翰盞字不合用殊欠敬慎禮部議罰銀一
萬兩奉旨免議通文館志

○戊寅謝表中述旨字未擡寫欠式奉旨着飭行上全

